

## Aght 10

Coolrey: Drontheim

**Loan:** (*goaill arrane da hene*)  
As ta shoh Macabuin  
Yn cliwe smoo sy Loghlynn.  
Ta **baase** ayns y vlod echey,  
Baase..bun as baare!

Ah.. yn cliwe obbee yindyssagh hug mee da Ree Olaf. Cha jean eh rieu failleil!

**Ny Jinnin:** *sleetchal er yn ardan*

**Idun:** Argid my sailt, o ghooinneey grouw.

**Hervor:** Cur dooin argid .

**Bragi:** Ram, ram argid!

**Loan:** Cha nee! Vel fys erriu quoi t'ayn?

**Brynhild:** Cha nel! As vel boirey ain er shen my chaarjyn?

**Ny Jinnin:** Cha nel!

**Loan:** She mish Loan t'ayn!

**Ny Jinnin:** (*craidey*) Ooo. Loan t'ayn!!!

**Skadi:** Nod oo goaill arrane Loan t'ayn?

**Loan:** Dy liooar, riftanyn, jinnyn! She mish Loan Maclibuin, yn Gaaue Grouw voish Drontheim... ard-ghooagh fud ny cheerey!

**Brynhild:** Vel *uss* er chlastyn jeh?

**Bragi:** Cha nel! Vel *uss* er chlashtyn jeh?

**Hervor:** Cha nel!

**Loan:** Arrgh! Magh ass my raad. Cha nel traayms son yn boghtynid shoh.

**Idun:** O lah-di-dah!

**Brynhild:** Fuirree. Ta fys ain er red ennagh feer feer scanshoil! Mychione dty cliwe Macabuin...vel oo gearree clashtyn eh?

**Loan:** S'lesh yn Ree t'eh nish! Jerrey yn skeeal!

**Hervor:** Ah, agh vel oo er chlastyn cre ren taghyrt chouds ve ayns laue yn Ree?

**Loan:** Insh dou, as freill sheese dy chora. Ta speikeyryn dagh ooilley voayl

*Ayns possan beg t'ad loayrt ry-cheilley ayns sonnish. Ta Feeagh clashtyn ad*

**Loan:** Ta faghid orrym! Cha nod my chliwe er failleil!  
Baase er ny Manninee! Baase er Ree Olaf!

**Skadi:** Oh, er lhiam dy vel eh corree!

**Unn:** Fergagh!

**Hervor:** JYMMOOSSAGH!

**Bragi:** Traa dy gholl!  
*(tad faagail)*

*ARRANE NY JINNYN choud's t'ad faagail*

**Loan:** Hiallus my ghoinney oard! Tar gys shoh! T'eh traa dy ghoail drogh-chooilleein!

**Hiallus:** Ren oo gearree red, O Hiarn?

**Loan:** Cooilleen- drogh, drogh chooilleein....oh, as cliwe noa!

**Hiallus:** Drogh, drogh chooilleein **as cliwe noa**?

**Loan:** Drogh- drogh, drogh chooilleein **as cliwe noa ny stroshey na Macabuin!**

**Hiallus:** Ny stroshey na Macabuin! Dy ymmydey noi.....?

**Loan:** Ree Olaf, Ree jeh Mannin as Norlann, ren goaill my chield chliwe as jannoo **craidey lesh!**

**Hiallus:** Ta mee er chlashtyn skeeal na ghaa!

**Loan:** Immee gys Mannin. Cur chaghteraght da'n Ree! Shegin dhyt *cleayney* eh dy heet er-ash gys Drontheim. As tra t'eh ayns shoh....! Ha ha (*t'eh jannoo arrish jeh marroo eh*)

**Hiallus:** Cleayney yn Ree? mmn.. Cre'n aght!

**Loan:** Shalee croutagh! Ta'n Ree sportagh, lane jeh hene. T'eh gearree ve ny ard-ghoinney. Doolane Ratch!! Shen eh! Hiallus. Mie lhiat roie?

**Hiallus:** Erm cha nel agh un lurgey ayns.

**Loan:** Son yn traa t'ayn. Agh ta obbeys as pooar aym. Mie lhiat lurgey noa..nagh vel rieu cheet dy ve faase...nagh vel rieu roie magh ass pooar?

**Hiallus:** Wow. Agh nod oo croo shen?

**ARRANE:** Red erbee  
Red erbee, red erbee, red erbee, red erbee!  
Cliwe dy cherraghey yn Ree  
T'eh ro voyrnagh ayns e chree  
Gow kiarail Ree Olaf Gow kiarail!

Red erbee, red erbee, red erbee, red erbee!  
Ribbag ghoo nagh jean failleil Noi Ree Olaf as e reill  
Gow kiarail Ree Olaf Gow kiarail!

Red erbee, red erbee, red erbee, red erbee!  
Cur yn doolane mooar da As bee shen yn jerrey jeh!  
Gow kiarail Ree Olaf Gow kiarail!

Red erbee, red erbee, red erbee, red erbee!  
Ogh cha nee as ogh cha nee  
Nagh bee shen yn jerrey jeh?  
Gow kiarail Ree Olaf Gow kiarail!

**Loan:** Nish, bee dty host! Cha nel shin gearree peigh erbee dy chlastyn yn shallee ain. Nish Hiallus, my t'ou gearree lurgey elley, jean siyr. Symnee ny bugganeyn aym dy chooney lhiat as lhig da cliwe noa pooaral ve ayn ayns 3 laghyn!

**Hiallus:** Neem my chooid share. Vugganeyn, tar shiu ooilley! Gys y cheirdee!

*(My ta feme er, oddagh ny Bugganeyn as y lheid jannoo arrane elley ayns shoh, agh cha nel eh ro scanshoil)*

**Feeagh:** Shegin dou cur raue da Ree Olaf.

**Filym:** Feeagh getlagh

**ARRANE:** Shen my Raue  
Voish Mannin ren mee getlagh laa as oie.  
As nish ta mee tooilit as skee  
Sbeg yn aash yioym, Sbeg yn aash hooar mee,  
Etleeym dy jeeragh er ash gys yn Ree  
Inshym da ny focklyn ren mee clashtyn  
Inshym da ny smooïnaghtyn yn Gaaue  
Bee jee er dty hwoaie da yn Gaue grouw y twoaie  
Shen my raue, O Ree Olaf, shen my raue